

I. 百喻經

A) 昔有愚人，頭上無毛。時有一人，以梨打頭。乃至二三，悉皆傷破。時此愚人默然忍受，不知避去。傍人見已，而語之言。何不避去。乃往受打，致使頭破。愚人答言。如彼人者，僥慢恃力，癡無智慧。見我頭上無有髮毛，謂為是石。以梨打我，頭破乃爾。傍人語言。汝自愚癡，云何名彼以為癡也。汝若不癡，為他所打，乃至頭破，不知逃避。比丘亦爾。不能具修信戒聞慧。但整威儀，以招利養。如彼愚人，被他打頭，不知避去。乃至傷破，反謂他癡。此比丘者，亦復如是。

B) 昔阿修羅王，見日月明淨，以手障之。無智常人，狗無罪咎，橫加於惡。凡夫亦爾。貪瞋愚痴，橫苦其身。卧棘刺上，五熱炙身。如彼月蝕，枉橫打狗。

C) 昔有賈客，欲入大海。入大海之法，要須導師，然後可去。即共求覓，得一導師。既得之已，相將發引，至曠野中。有一天，祠當須人祀，然後得過。於是眾賈共思量，言。我等伴黨，盡是親，親如何可殺。唯此導師，中用祀天。即殺導師，以用祭祀。祀天已竟，迷失道路，不知所趣，窮困死盡。一切世人，亦復如是。欲入法海，取其珍寶。當修善法行，以為導師。毀破善行，生死曠路，永無出期。經歷三塗，受苦長遠。如彼商賈，將入大海，殺其導者，迷失津濟，終致困死。